

docriver 文川网
古籍书城
入驻商家
在文川网搜索更多书籍 获取更多电子书

中國方志叢書·華中地方·第一三十號

據

清乾隆三十二年刊本
清劉王環纂修


影印

江蘇省

碭山縣志

(一)

成文出版社有限公司印行



中華民國六十三年六月臺一版

碭山縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

重修碭山縣志序

郡邑之有志所以俟輶軒之采擇供史館之取裁者也故其名雖限于方域而實則達于

朝廷苟或撫拾未當源流未晰其不貽譏于大雅者鮮矣綜直省而計各有成書以備掌故而世之稱許者獨以崔後渠之彰德府志康對山之武功縣志爲盡善則是草創于一邦而傳聞于四境要當爲有目者所共識也碭爲漢高發跡之地界梁宋之間漢時經學實萃于此宜乎記載之詳此中自

有文獻而何以舊志三修猶令人有遺憾也耶
不敏承乏茲土簿書之暇偶一展卷歎紕繆之實
繁恨闡揚之未盡盱衡上下每思釐定而損益之
蓋志之分類雖多而舉其綱領祇以數大端爲最
要姑以舊志論如考沿革則與正史相乖明疆域
則與輿圖無準星野未原乎古祥異僅始于晉戶
口忘登夫載籍典禮不著于膠庠選舉濫及吏員
人物謬存帝系書祠廟則歲月無稽彙藝文則後
先倒置本漢人而錯列五代非土著而竟紀功勳

聖漏支離未易枚舉而魯魚亥豕猶其小焉者
我

國家幅員萬里統志之修編行直省上之職方氏老
屢矣 環 恭逢

聖世分符古邑雖才愧三長而心期一得乃與邑之紳
士踵舊增新更爲部署字櫛而句栳之以爲異日
採取之選雖不敢媲美崔康而斟酌無遺或亦可
備一邑之藏弄也已

乾隆三十二年歲次丁亥仲冬中浣穀旦知陽山縣

石印書元

事武緣劉王璦謹序

陽山縣志舊序

明 王廷卿 邑令

粵自書契興而國史有作其來舊矣先秦列國皆自史官掌記時事外史職之有表有圖有傳有書間或不同要之足以稽吏治察民俗俯仰今古周覽方輿備國史之採錄爲用一也庚午冬予蒞官茲上見其庶事草畧輒欲興廢補敝振起式微而邑乘漫無可考所存者郡志附錄之一二耳緬維隆慶紀元詔修嘉靖實錄予時筮仕吳庠繆膺蘓松常鎮四郡採纂之任矧今聖天子

臨御復修隆慶實錄顧茲邑乘歟惟攸司而尙可以緩
圖之哉乃者祇奉大中丞王公聘延文儒相與肄考古
今墳典暨博圖經傳記質諸故老見聞間附已意黽勉
從事而義類凡例實憲副馮公爲之指授者也哀旣成
書郡刺史劉公則又助以罰鍰俾梓行之予惟後之視
今猶今之視昔使秦漢以來數千年之缺典踰三時而
告成於是邑不無小補第萬卷非鄴侯秘書非世南窺
豹之謂固所不辭若自今以往人物之益盛宦蹟之益
彰與夫戶口之日增風俗之昌厚爲政君子相繼而增

入焉則一方之勝因文以傳端有賴矣是爲序隆慶壬申孟秋旣望

明 李嘉言 邑人

隆慶庚午冬十二月龍峯王公以荆南鄉進士令吾碭謂予曰志史也古者國必有史碭無志是無史也無史則一方之文獻罔有攸徵豈非缺典歟緣初政案牘旁午姑未暇及越明年政通人和百廢俱舉遂具其事請于諸當道咸曰可公乃授簡於予俾之採摭予惟碭於古爲豫州之域自秦罷侯置郡而碭始名自漢高隱於

芒碭以開王業而邑之名益著要亦中原名區英雄豪傑所自出之地奚獨以文獻缺焉無乃兵火於五代淪喪於金元而然耶夫前旣無聞後將焉述乃取一統志通志綱目諸書逐一繙閱仍叅之徐志重加考訂然後撫拾數事萃爲一編大抵春秋以前遐哉邈矣靡有所稽秦漢而下掛一漏萬然亦未得其詳乃若天文地理之麗上麗下雖其本體如是不曰中和之當致乎人事人物藝文之類雖皆與時高下不曰變易以從道乎故曰志者言乎心之所之匪徒以文爲記而已也君子誠

知此義達而見之於行則正大光明之功業樹焉窮而
筆之於書則是非得失之鑒戒存焉志豈細務云乎昔
孔子作春秋曰其文則史他日又曰吾志在春秋是知
凡今郡邑有志蓋亦取法春秋之遺意也視爲細務而
忽焉可乎哉用是銓次旣成錄以上公公閱之大加筆
削更定過半授之梓人復命予序之末簡噫斯志也以
吾殤數百年之缺典而一旦刊爲成書可徵可信以傳
不朽公之志行矣其嘉惠後學垂鑑來牧有功於斯邑
豈淺鮮哉顧予山林棄材叨竊餘光子陽之誥吾固知

其不能免也夫隆慶壬申孟秋既望

明練國事
沛邑令

邑無志非古也志何倣乎以取傳直如丞相何之收圖籍知戶口耳且以寓春秋之義也若張大其詞以山川人物爭勝而風化關頭泯滅無聞勸誠之謂何王政何取焉碣之有志所從來矣自黃河奔決一時城郭蕩爲黍離而圖書憑漫盡飽蛇龍亦文獻之一厄也當事者豈不動色於無徵而作楚稅桑倦焉未遑此段公案姑從謙讓耳及陳君下車拮据五載肉起色飛而後問事

梨爲邑乘計噫何其禮樂之明備乎余幸與陳君共事
一方知君最深會兩入花郊而蒲之三善錫實過之今
志成而問序於予予嚮觀陳君之實政早已知此志之
爲信史也夫陵谷滄桑轉盼易位富貴功名終歸塵土
山川人物者志之槩而非其興衰理亂之源也若按圖
而繪直可問諸丹青循事而書一僮父能言之耳何必
出自大儒之手也而况黑白顛倒失春秋之義古有以
蜀之十萬緡不能博一姓字者彼何人哉則與其濫等
無寧闕文陳君所爲遲遲而後志也蓋有公案於境上

有信史於胸中而後有此剗廟之梨棗也他不具論如
碭受河之後以一二頑民偶激甘心長吏遂闔邑抱不
醇之寃謂習俗實然豈其然乎陳君德化疾於風雨聞
公役皆子來而禦寇多出死力者此足自前事矣陳君
以此點竄志中碭之人不啻重覩天日裘鉞高懸風化
一新志若此文獻何患其無徵哉予固因陳君之志而
敢以維持風化並告之守志者則碭之山川人物當永
與日月爭光可也此陳君之意也萬歷戊午孟冬

明
陳秉良 邑令

邑有志猶國有史也上下古今何國蔑有昔諸葛武侯
治蜀志圖興復軍務旁午忘設史官後徒掇拾於陳壽
之筆而事多缺畧論者惜之矐故有志不知廢自何時
隆慶壬申前知縣龍峯王先生慨然修舉苦無可考惟
採郡志綱鑑通紀諸書而纂集之噫亦畧矣庚子之歲
火延縣治志籍復煨幾二十年所矣予下車四顧城市
蕭條蓬戶土室風沙草木愴然於懷然歷問往事已如
夢語及今弗輯後雖有作者而欲求斷簡殘篇於故老
也得乎哉乃謀諸舉博士劉君曰邑有博士見龍王君

docsriver 文川网
入驻商家 古籍书城

在文川网搜索古籍书城 获取更多电子书

者博雅君子也輯縣志無逾斯予造廬而請王君逡巡
若無當久之黽勉以從甫二旬而書成予閱之邑里如
故也界域如故也黃河之環遶如故也賦役之昔繁而
今減也戶口之昔散而今聚也人物之昔載而今有增
加也他如建置沿革必考其故流風遺址必溯其原尤
於忠孝節義必要其據匪是寧闕不濫寧任怨不任德
故其文雅其事核津津乎成一家之言也微王君力弗
及此抑予猶有說焉地因人重人以志傳誌言士心也
邇來江北人文日盛在在科第起家而礪士不登天府

幾至百年書成覺闕而無色此豈風會之流歟司教之
缺歟抑士心之未純歟予歷官茲土無能振拔徒愧也
已倘諸士聞予言勃然奮毅然任他日文章事業繼魏
倪李諸君而後照耀又冊大爲芒碭生色予於此有厚
望焉時共事則學博士劉君楷歲貢兄弟陳君履端直
詮邑庠生胡應會劉一龍全時任汪用霖汪知新曹應
第劉景星成雲鵬併書是爲序皆萬歷戊午孟冬

明
王文煥 邑人

夫志權與於禹貢及周禮之職方雖僻壤遐陬亦自有

紀蓋用載往事以信將來。碣始自嬴秦爲漢龍潛出來
遠矣而英賢輩出於其間豈無握管成一家言者謂碣
無誌可乎或者瀕河多沮洳聯徐嘗用武非淪於泥沙
則殘於兵火僅存什一於千百耳先是隆慶壬申邑侯
荆楚王公雅尚墳典旁搜博採撫拾緒餘勒成一編將
謂有其舉之莫或廢也當萬歷庚子歲幾四十年熒惑
煽烈版籍灰燼又爲碣一缺典矣豈將有待而然耶及
邑侯未如陳公以東粵俊才蒞宰茲土甫下車問風觀
俗深慨其文獻無徵適饑祲賦繁民不堪命所急在捐

循煦燠與以休息卽哺餒櫛沐不暇而暇此乎三載來
政清刑簡時和年豐呻吟者而絃歌矣蹙額者而喜色
矣於是士民咸念我公稽古初心僉謂殫終可無志乎
因咸以重修請始猶謙讓未遑弗諾也旣而懇請者再
三乃進余諸生而可之曰有縣必有志誠不可以湮沒
爲第志實錄也工藻飾者泛志史法也過溢美者謏志
又公典也涉曲徇者私此皆志之癖也祛此三癖竊仿
春秋之遺意可耳諸生聞命唯唯退搜尋舊編重加考
證復叅以衆耳目之聞見秦漢前無考不敢臆說附於

石上果三
外嗣是亦無敢掛漏於其中列爲二卷屬以篇曰山川
形勝因乎地風俗水土宜乎民人文宣朗在於興賢育
才不曰學校之當設乎事業炳彪見於文治武畧不曰
官守之無曠乎城池創而新再見經始之勞賦役煩而
簡無復額外之徵稽孝義則事君事親若分之爲兩表
貞烈孰難孰易總合之爲一至於序記碑銘必其事有
關涉入之否則雖工弗錄而災祥亦備紀之以資警省
取其大不遺其細仍乎舊間引乎新刪煩就簡譬之鶴
長鳧短各適於宜銓次成帙錄以上公公復繙閱詳加

斤郢然後授之梓人復命余贅附于末簡余弗文曷能
爲是役惟仰承德意矢心自盟所與諸生共者不以愛
憎狗情不以毀譽失真不以諛言夸毗不以浮華炫奇
而已乃藉以窺豹之見得與續貂之後抑厚愧矣

明劉芳邑令

夫志之爲書大矣哉前賢以邑志擬國史其言最確故
杞宋無徵卒起夫子之歎董班繼筆至今歷代可稽史
之有裨於國也如是而邑志可緩圖耶碣固古名區其
中風物形勝諸盛蹟雖舊乘備繪其詳然祇紀戊午以

前云爾自後漫不可攷予每爲之太息因承乏方初不
遑申續幸觀察徐公志切採風檄下修舉於是揖諸學
博而以舊帙屬之旬日間具稿分條析類按款摹真彬
彬然快人心目頓令二十餘年之缺典悉見乎今日予
甚喜而躬覩其全也余叨牧茲土凡於民稱便者務必
竭蹶從事庶幾可藉手以謝瘼曠顧負乘駑駘不逮之
匡良於諸學博有厚望焉是役也總裁則學博陳君子
朝陸君養正編輯則鄉紳汪用霖等考實則廩貢徐騰
芳等較正則生員闕應臣等例得併書以付剞劂氏用

昭共事云峇崇正巳卯孟夏

國朝 郭 浩 邑令

乾隆戊午之秋浩奉檄來碭晤孝廉李君仙植于真州
孝廉蓋曾旅碭一載故訊其風土事宜因知邑志自前
明萬歷以來迄今未修文獻靡徵共相歎爲墜典卽擬
借孝廉洎其弟徵君仙榜錢塘陳徵君撰共續成之道
至彭城謁郡憲石公正擬修輯郡志而邑志尤不可後
矣適徐郡博田君力請任其事未幾星馳至邑是時值
予以災賑河務晝夜紛紜凡其纂輯不暇詳覈解組而

後念此事不可中輟爰取成書再三披閱重加刪訂寧
嚴毋寬寧隘毋濫其增減去留且與新宰鄔君學博謝
君曹君及邑紳士共定之不敢卽謂研練之勤綜攬之
備足比惇史然是非無私抑亦可以自矢矣至毛城舖
之役迺河憲高公爲宣洩淤漲總滙於洪澤不惟有裨
河工實則保護諸路無限民田爲百世永利所發諸章
奏條議並應詳載以示來茲而河憲至礪相度時曾屬
浩於大河之南北勸諭諸紳士各輸已力開濬引河四
道幸皆踴躍樂從至前秋七月洪水西來汎濫鄰境而

礪邑受災較輕者要皆出自引河預濟之力也故
之若夫按星野則慮玉衡七星之墟或人事之未克盡
考疆里則慮蕭虞歸永之畛或先事之未及燭釐賦役
則念良法美意之或淺失其初稽吏治則思循良慈惠
之或不克逮至於孝弟科名文章學校其所以耀貞
珉垂簡策者鼓舞而振興之是在後來蒞政之大賢
君子矣浩雖遠去其何能無厚望哉昔乾隆壬戌夏月

國朝 鄔承顯 邑令

邑志 昔今皆有論者獨推康對山武功志爲善本蓋以

其博雅詳慎有古史之遺意也然史以明信志亦如之
苟閱百年而文獻無徵則歲序之遞嬗風會之遷流其
中興替不一因革異宜覘治化者忘所自察風土者湮
其由不幾同夏五薛鼓之無據乎則志之當修而修之
不宜緩也明甚第邑長爲民社寄簿書錢穀庶務倥傯
日不暇給雖復欲究心掌故而勢有所不能礪志自明
季纂修以來歷一百餘年未之舉行舊簡旣缺新跡將
湮福唐郭公涖任毅然任爲己責謂是風化所係而分
所掌之博採舊聞廣諮衆論補其闕正其訛酌其可否

銖稱而寸度之裒益其多寡次第以釐定之既成授之梓人將欲刊布乃以予承乏是邦繼公之休與有責焉問序於予予惟公之德澤厚矣教之入人深矣三年遺愛不獨甘棠是役也以百年創見之事告成於一旦則士誦新書民歌舊德公之名當與是志並垂不朽矣是爲序

docsriver 文川网
入驻商家 古籍书城

在文川网搜索古籍书城 获取更多电子书

重修陽山縣志姓氏

纂修

知

陽

山

縣

事劉玉瓊

叅訂

太平府當塗縣舉人胡瑛

採訪

歲

貢

生楊如桂

庚午科舉人國子監典簿蔣為

候

選

州

同張士斌

姓氏